


Illoqarfiup ilaanut 3B1-3 pilersaarut Sarfaarsuarni inuussutissarsiuteqarfik.



NASSUIAAT

Kommunalbestyrelsip matumuuna saqqumiuppaa Illoqarfiup ilaanut pilersaarut 3B1-3, Sarfaarsuarni inuussutissarsiuteqarfik, inaarutaasumik akuersissutigineqartoq.



Illoqarfiup ilaa 3B1-3, Sarfaarsuarni inuussutissarsiuteqarfik

Pilersaarutip suunera

Kommunimi pilersaarut Nuuk 1993-2005, Killiligaq 3B1 - Siaqqinnermi inuussutissarsiuteqarfik, aqqusemup Siaqqinnerup aqqusemullu Sarfaarsuit akomanniittoq nunataqqortussuseqarpoq 29,57 ha.

Illoqarfiup ilaanut pilersaarut 3B1-3, Sarfaarsuarni inuussutissarsiuteqarfik nunatap tamatumaa ilaaniittoq nunataqqortussuseqarpoq 5,94 ha, avannamut killinga emgup aqqussuaniit 10 meterinit avannariulluni, kujammut killigalugit pikunik ikuallaasarfik, materialegårdi asfalti-

liorfillu. Kangimut killigaa qooroq, kimmullu pikunik eqqaavissuakoq.

Nunataq pilersaaruteqarfiusoq pingasunut immikkoortulersugaavoq, immikkoortoq A, immikkoortoq B aamma immikkoortoq C.

Immikkoortoq A inuussutissarsiorfinnut minnerusunut naatsorsuussaavoq, soorlu håndværkerinut ingerlatakitsunut suliffinnullu taamaaqataannut. Nunataanissaaq tamaani containerinut ilitsiviusinnaasumik nunaminertaqarpoq. Tamaanga inuinnaat qinnuteqamerikkut containerinik taamaaqataannillu inaalitsigallartarsinnaapput, taamaaliomissaq ineqarfiit qanittuini inerteqqutaasaraangat.

Immikkoortoq B inuussutissarsiorfinnut angajaanut, akunnattunut, naatsorsuussaavoq.

Immikkoortoq C inuussutissarsiorfinnut angisuunut naatsorsuussaavoq, aamma sulivinnut nalinginnaanngitsumik minngersaasartunut, tassa pilianut pilersitanullu avatangiisit illersomeqamissaannik 22. december 1988 Inatsisartut peqqussutaanni nr. 12-imi, aammalu Inatsisartut peqqussutaatigut nr. 7-ikkut 13. maj 1993-imeersukkut allanngortitaasumi «-imik nalunaaqutsigaasimasunut.

Nunataq pilersaaruteqarfiusoq aqqusinniugaassaaq sanaartorfissaatitat tamarmik aqqusinivimmiit tikinneqarsinnaasunngorlugit. Aqqusinersuaq tamaanga atasoq Sarfaarsuartigoorpoq, ikuallaasarfik materialegårdilu killeqqullugit.

Pilersaarummut allamut attuumassutaa

Illoqarfiup ilaanut pilersaarut 3B1-3, Sarfaarsuarni inuussutissarsiuteqarfik, inissisimavoq Kommunimi pilersaarut Nuuk 1993-2005-imi,

killiligaq 3B1-imi - Siaqqinnermi inuussutissarsiateqarfik.

Allanngortitassaangissusia

Pilersaarut allanngortitassaajunnaassaaq inaarutaasumik illoqarfiup ilaatut akuersissutigineqaruni tamanullu saqqummiunneqarluni. Pilersaarutip akuersissutigineqavissup iluani iliuuseqartoqarsinnaanngilaq pilersaarutip aalajangersagartaanut assortuuttunik. Assigiinngitsut pisutigalugit allannguutaasinnaasut annikinnerit immikkut akuersissutigineqarsinnaapput. Allannguutissat annertuppata illoqarfiup ilaatut nutaamik pilersaarusiorneqassaaq.

Tamanut saqqummiussineq akuersissutiginnerlu

Siunnersuut illoqarfiup ilaanut pilersaarut 3B1-3, Sarfaarsuami inuussutissarsiateqarfik, tamanut oqallisissatut saqqummiunneqarsimavoq 27. november 1996-imiit 10. januar 1997-imut.

Saqqummiussinerup nalaani akerliliissutit oqaaseqaatillu annertuutigit pinartulinnik tigusaqartoqarsimanngimmat illoqarfiup ilaanut pilersaarut 3B1-3, Sarfaarsuami inuussutissarsiateqarfik siunnersuutigineqameraniit allanngortinngingajallugu saqqummiunneqarpoq.

AALAJANGERSAKKAT

Nunaminertanik atuineq pilersaarusiernerlu pillugit Inatsisartut peqqussutaat nr 6 19. december 1986-imeersoq, allannguuteqartitaasorlu inatsisartut peqqussutaatigut nr. 1 18. juni 1987 aammalu nunaminertanik atuineq pilersaarusiernerlu pillugit nalunaarut nr. 23 18. november 1992-imeersoq naapertorlugit kommunalbestyrelse makkuninnga aalajangersagaqarpoq.

§ 1 Pilersaarutip siunertai

1.1 Pilersaarutikkut qulamaalliniameqarput:

- Nunataq naapertuuttumik atorluamiameqassasoq nunaminertai, sanaartorfissartai, avatangisai angallaffiisinnaaneralu naapertorlugit.

- Teknikikkut aalajangersimasunik atorulersuusersugaassasoq.

§ 2 Pilersaaruteqarfiup nunataa agguataarneqarneralu

2.1 Pilersaaruteqarfiup killeqarfii assitaliussaq 1-imi nalunaarsimasut katillutik nunataqqortussuseqarput 5,94 ha.

2.2 Nunataa agguataagaavoq immikkoortoq A, immikkoortoq B aamma immikkoortoq C.

§ 3 Nunataata atugaanissaa

3.1 Nunataq taamaallaat inuussutissarsiorfittut atorneqassaaq.

3.2 Immikkoortoq A taamaallaat atugaassaaq inuussutissarsiutinut minnerusunut, containerinik ilitsivittut imalt. allanik taamaaqqataannik mingussaasuunngitsunut.

3.3 Immikkoortoq B taamaallaat atugaassaaq inuussutissarsiutinut akunnattunut mingussaasuunngitsunut aammalu imermik atuivallaanngitsunut.

- 3.4 Immikkoortoq C atugaassaaq inuusutissarsiutinut annerusunut, aammalu sullivinnut nalinginnaanngitsumik mingussaasartunut, tassa pilianut piliorfinnullu avatangiisit illersomeqarnisaannik Inatsisartut peqqussutaannut nr. 12 22. december 1988-imeersumut, aammalu Inatsisartut peqqussutaatigut nr. 7 13. maj 1993-imeersukkut allannguuteqartinneqartumut tapiliussami «-imik nalunaaqutserneqarsimasunut.
- 3.5 Nunatami pilersaaruteqarfiusumi inisianik pilersitsisoqassanngilaq.
- 3.6 Immikkoortoq C-imi bussit unittarfis-saqartinneqarput.
- § 4 Aqqusernit**
- 4.1 Assitaliussaq nr. 1-imi takutinneqartut aqqusinniortitigaassaaq.
- 4.2 Aqqusineq m-n silissuseqassaaq 5,5 meterit missiliorlugit.
- 4.3 Aqqusernit o-p, s-t aamma p-t silissuseqassapput 5 meterinik.
- 4.4 Aqqusernit u-v aamma x-y silissuseqassapput 5 meterit missiliorlugit.
- 4.5 Nunatap suatunganulluunniit avataaniit isemiaraanni aqqutissaaq n aqqusaarneqartassaaq. Aqqusernit taagorneqartut sinaanni biilnut qimatsisarfeqassanngilaq.
- 4.6 Nunataq pilersaaruteqarfiusoq killeqarpoq emgup aqqussuanit 10 meterinik kujasinnerusukkut.
- 4.8 Aqqusernup m-n sinaani sanaartorfisanut killigititaavoq aqqusernup qeqqaniit avammut 10 meterit.
- 4.9 Aqqusernit allat sinaanni sanaartorfissat aqqusernit qeqqaniit 8 meterinut avammut killiligaapput.
- 4.10 Assitaliussaq 1-imi sanaartorfissatut killilikkat eqqortillugit sanaartomeq pissaq. Immikkoortoq A-mi illu allanut sammivissamigut silatimigut klasse 1-imik taasanik qalliteqassappat unga-sissusissaa 2,5 meterinut qanillineqarsinnaavoq, immikkoortunilu B aamma C 5,0 meterinut.
- 4.11 Sanaartorfissat tamarmiusut tungaannut nalinginnaasumik ataasiinnarmik aqqusineqassaaq.
- Immikkoortunili B aamma C sanaartorfissat tungaannut aqqusernit arlaqamissaat akuersissutigitinniarlugu qin-nuteqaatigineqarsinnaavoq.
- 4.12 Isorartussutsimi m-n maanaannakut avammoortunik aqqusinniortoqarsinnaanngilaq.
- 4.13 Kussiat matoqartinneqassappata tamanna akuersissutigitinniaqqaagassaa-voq.
- Kussiat qarsullugit ikaartarfiusaleme-qassappata armcorør'inik kuuffileme-qassapput, isuisigut illugiitsigut beton-glacis'imik imaluunniit betonmur'imik nuisami matullugit.
- 4.14 Nunataq atugassatut akuerisaappat biilnut qimatsisarfiliorneqassaaq sulisumut ataatsimut qimatsisarfik ½ naatsorsuutigalugu. Sanaartomermili sumiugaluarlunniit nunaminertat tamarmik ikin-nerpaamik marlunnik biilnut qimatsi-sarfeqassapput.
- § 5 Sanaartorneq sumilu inissisimanis-saat**
- Immikkoortoq A*
- 5.1 Nunaminertap atugassiissutaasup an-nerpaamik 50%-ia sanaartorfiusinnaa-voq, kisianni etagearealip 600 m² sin-nersimassanngilaa.
- 5.2 Nunaminertap sanaartorfiunerata min-nerpaaffissaa kommunalbestyrelsip piu-masaqaatigisinnaavaa.
- 5.3 Illuliat initallit quleriinnik 1-2 sananeqa-sinnaassapput.

- 5.4 Illuliap portussutsimigut nunap qaaniit qaliap qaarpiaanut 12 meterit sinner-simassanngilai. Pujorfiit, antennit allallu piliat kote 70 qaangersimassanngilaat.
- 5.5 Sanaartormermi assitaliussaq 1-imi sanaaffissatut killissarititaasut eqqortinneqassapput.
- 5.6 Illuliat sammiveqassapput assitaliussaq 2-mi takutinneqartutut.
- 5.7 Ikuallajaallisaanermik paasisimasallit naliliinissaat kommunalbestyrelsip piumasaaqatigisinnaavaa, tamannalu toqqammavigalugu illuliassap ilusissaanut, inissinneqamissaanut, qanoq ikuallajatisunik uninngasuuteqarfiunissaanut sukkullu aqqusineqamissaanut il.il. iliu-seqaqqusisinnaalluni.
- 5.8 Nunaminertaqassaaq containerinut taamaaqataannullu ilitsiviusinnaasussamik, tak. assitaliussaq 1.
- Immikkoortoq B aamma immikkoortoq C
- 5.9 Nunaminertap atugassiissutigineqartup annerpaamik 50%-ia sanaartorfineqarsinnaavoq
- 5.10 Nunaminertap minnerpaamik sanaartorfiginissaa pillugu kommunalbestyrelse piumasaaqarsinnaavoq.
- 5.11 Illuliat 1-2 etagenik qulereeqassapput.
- 5.12 Illut portussusiisa 12 meter qaangissanngilaat nunamiit illup qaliata portunerpaaffiata tungaanut uuttorlugu. Pujoorfiit, antennet sanaartukkallu assingusut kote 70 qaangissanngilaat.
- 5.13 Nunap assingani ilaliussaq 1-imi sanaartorfissatut takutinneqartut iluanni sanaartortoqassaaq.
- 5.14 Nunap assingani ilaliussami 2-mi takutinneqartutut sanaartukkat ilisimatit-sissutigineqassapput.
- 5.15 Qatserisartoqarnikkut naliliisoqarnissaa kommunalbestyrelsip piumasarisinnaavaa, tamannalu tunngavigalu-

gu illup ilusaanut inissisimaneranullu, ilisanut ikuallajasunut, biilnik tikin-neqarsinnaanermut assigisaannullu im-mikkut ittunik piumasaaqarsinnaalluni.

§ 6 Sanaartukkat ilusaat.

Immikkoortoq A

- 6.1 Illuliat tamarmik qaliaat qernertumik pappialarsuartaqassapput.
- 6.2 Illuliat qaliaat 25-30^o-nik sivinganiler-lugit sanaartorneqassapput.
- 6.3 Nunaminertatut atugassiissummut tunngatillugu, skiltit nalinginnaasut saniatigut suliffeqarfimmut ataatsimut skilti ataaseq ivertinneqassaaq annerpaaffigissallugulu 1,5 x 2,0 meter. Skiltit taamaallaat inissinneqarsinnaapput nammineq sanaartorfisami.
- 6.4 Nunaminertaq atugassiissutigineqar-toq nalunaaqutserneqassaaq ungalu-nik imaluunniit ujaqqanik assigisaan-nilluunniit ikkussinikkut. Ungallut nu-naminertamik atugassiinermut atatil-lugu akuersissutigineqassapput.

Immikkoortoq B aamma immikkoortoq C

- 6.5 Illuliat tamarmik qaliaat qernertunik qal-liuteqassapput.
- 6.6 Illuliat qaliaat uinganeqassapput 25-30^o.
- 6.7 Nunaminertani akuerisaasuni tamaginni nalinginnaasumik allagartarsualersuutit sammisanut tunngasut saniatigut sul-livimmi ataatsimi ataatsimik allagar-tarsuaqassaaq annerpaaffimmigut an-gissuseqartussamik 2,0 x 3,0 meter. Nunataq nammineq sanaartorfisaaq kisiat allagartarsualemeqarsinnaavoq.
- 6.8 Nunaminertaq akuerineqarfik unga-loqartinneqassaaq (hegn), imaluunniit ujaqqanik assigisaannilluunniit assi-gaassalluni. Nunatamik atuisinnaaner-mik akuersissummut atatillugu ungalu-liinissaa akuersissutigineqassaaq.

§ 7 Nunaminertat sanaartorfiunngitsut

- 7.1 Nunaminertamik atuisinnaatitaasoq pi-sussaavoq nunataq saligaatsuutillugulu pikuluitsuutissallugu.
- 7.2 Nunaminertami ikuallaaneq inerteqqu-taavoq.
- 7.3 Erngup aqqussuata eqqaa innimigi-neqassaaq.
- 7.4 Nunatap pilersaaruteqarfiusup immat-tuunnginnissaa eqqarsaatigalugu nu-naminertami atugassiissutaasumi imer-mut imikumullu aqqusiat nunamilu kuuf-filiat sanaartorfissamik annikilliliissaga-luarpata tamanna naammaginiaannar-tariaqarpoq.

§ 8 Teknikikkut iluaqusersuutit

- 8.1 Nunaminertamik atugassiinermut peqa-tigitillugu sanaartorfigissaanermut aki-leeqataassuteqartoqassaaq.
- 8.2 Immikkoortuni A-mi aamma B-mi illuliat tamarmik imermut tankeqassapput, aammalu imikumut isortumut qer-nertumullu pikooffinnik tankeqassallutik.

Kingusinnerusukkut emgup imikullu (kloak) aqquserneqarsinnaanerat nuna-minertassaqartinneqareerpoq.

- 8.3 Immikkoortumi C-mi illuliat tamarmik emgup imikoorfiup (kloak) aqqutaannut atassuserneqassapput.
- 8.4 Nunap qaanit imeq kuuttoq pisortanit kussialiorneqassaaq, nunatap eqqaa-niittunut akomutaaqqunagu.

Uuliakoorut kemikalianillu igitat nu-natamut imalt. kussianut kuineqas-sanngillat, kisiannili igitatut allatuulli Nuup Kommuneani eqqaasarnemik aalajangersakkat atuuttut naapertorlugit tunniukkiartorneqartassallutik.


- 8.5 Immikkoortoq B-mi nunaminertaqarpoq transformerstationeqarfissamik, tak. as-sitaliussaqaq 1.


- 8.6 Nunaminertat aqqusemit sanaartorfiillu akornaniittut taamaallaat teknikikkut iluaqusersuutitut atomeqassapput, s.i. imikoorutit (kloak), emgup allallu led-ningit aqqutaannut, kussianut aammalu apummik niffarlukoortittut.


§ 9 Aalajangiiffigineqarnera


- 9.1 Illoqarfiup ilaanut pilersaarut Nuup Kommuneani kommunalbestyrelsimit aalajangemeqarpoq ulloq 10. februar 1997.
- 9.2 Illoqarfiup ilaanut pilersaarut tamanut nalunaarutigineqarpoq ulloq 16. april 1997.

Nuup Kommunea, ulloq 15/4 -1997


Agnethe Davidsen
borgmester


Kim Hvistendahl
fg. kommunaldirektør





Isikkussaaturt pilersaarut

Avannaa



uuttuut 1:2000